

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Kantonalna uprava civilne zaštite**

Broj: 18/1-40-022490-8/22
Tuzla, 4.11.2022. godine

Direktor Kantonalne uprave civilne zaštite, na osnovu člana 69. stav 2. tačka d. Zakona o javnim nabavkama ("Službeni glasnik BiH", broj 39/14 i 59/22), u otvorenom postupku javne nabavke i isporuke rabljene cisterne za prevoz vode - LOT 2, donosi

**ODLUKU
o poništenju postupka javne nabavke za LOT 2 –
Nabavka i isporuka rabljene cisterne za prevoz vode**

Član 1.

Poništava se postupak nabavke rabljene cisterne za prevoz vode - LOT 2, iz razloga što je za ovaj postupak nabavke dostavljena samo jedna ponuda koja ponuda nije prihvatljiva.

Član 2.

Ova Odluka stupa na snagu danom donošenja i objaviće se na web stranici Kantonalne uprave civilne zaštite.

Obrazloženje

Kantonalna uprava civilne zaštite je Odlukom broj: 18/1-40-022490/22 od 19.9.2022. godine pokrenula postupka javne nabavke rabljenih terenskih vozila pick up i rabljene cisterne za prevoz vode, putem otvorenog postupka.

Ovaj postupak javne nabavke je podijeljen na dva LOT-a, a LOT 2 se odnosi na nabavku rabljene cisterne za prevoz vode, 1 komad.

Procijenjena vrijednost javne nabavke za ovaj postupak je 89.743,59 KM bez PDV-a.

Obavještenje o nabavci broj: 1069-1-1-5-3-4/22 je objavljeno na portalu javnih nabavki dana 20.9.2022. godine.

Krajnji rok za prijem ponuda bio je: 31.10.2022. godine do 10:00 sati.

Kriterij za ocjenjivanje je ekonomski najpovoljnija ponuda

Kriteriji za odabir ponude su:

- a) Cijena70 %
b) Garantni period 30 %.

Komisija za javne nabavke imenovana rješenjem Kantonalne uprave civilne zaštite broj: 18/1-40-022490-2/22 od 19.9.2022. godine je dana 31.10.2022. godine sa početkom u 11 h izvršila javno otvaranje ponuda i sastavila zapisnik o otvaranju ponuda na kojem je konstatovano da je za ovaj postupak javne nabavke blagovremeno dostavljena samo jedna ponuda i to:

R/b	Datum i sat prijema	Naziv/ime ponuđača (šifra)	Cijena bez PDV-a/ Garantni period
1.	31.10.2022. godine u 9.10 h	Fire trade d.o.o. Srebrenik	89.743,59 KM/6 mjeseci

Komisija je dana 3.11.2022. godine izvršila pregled i ocjenu ponude te je na zapisniku o ocjeni ponuda broj: 18/1-40-022490-6/22 konstatovala da ponuda ponuđača Fire trade d.o.o. Srebrenik nije prihvatljiva iz sljedećih razloga:

U dijelu tenderske dokumentacije – tačka 9. Tehničke specifikacije predmeta nabavke definisano je da su tehničke specifikacije i količine predmeta nabavke detaljno specificirane u prilogima 3.2. odnosno 11.2. koji čine sastavni i neodvojivi dio ove tenderske dokumentacije.

Kako bi se ponuda smatrala prihvatljivom ponuđene robe moraju zadovoljiti sve traženo iz tehničkih specifikacija.

Ponuđač je dužan ponuditi i isporučiti predmetnu robu na način da ista odgovara svim tehničkim uslovima i karakteristikama koji su navedeni u tenderskoj dokumentaciji. U tački 15. tenderske dokumentacije propisano je da se pri pripremi ponude ponuđač mora pridržavati zahtjeva i uslova iz tenderske dokumentacije.

Ponude koje nisu u skladu sa ovom tenderskom dokumentacijom će biti odbačene kao neprihvatljive, sve u skladu sa članom 68. Zakona.

U dijelu tenderske dokumentacije PODACI O PONUDI, Sadržaj ponude i način pripreme ponude, u stavu 13. propisano je:

“Da bi se ocijenilo u kojoj su mjeri ponude u skladu sa opisom predmeta javne nabavke, ponuđači su obavezni dostaviti sljedeće: katalog ili prospekt ili fotografije ili ispis sa internet stranice pri čemu prilikom ispisa treba biti vidljiva adresa web stranice (<https://www....>) iz kojih se može zaključiti da ponuđena roba odgovara traženim tehničkim specifikacijama. Katalog ili brošura moraju biti prevedeni na jedan od službenih jezika u Bosni i Hercegovini”.

Ponuđač je dostavio samo fotografije ponuđene cisterne, fotografisane odgovarajućim uređajem na kojim je vlastoručno napisano “ponuđeno vozilo na čijoj šasiji će se uraditi nadogradnja cisterne za vodu Mercedes atego 12.24” i ovjerene pečatom ponuđača te fotografije sačinjene odgovarajućim uređajem na kojim je vlastoručno napisano: “izgled jedne gotove cisterne kao primjer gotovog proizvoda”, ovjerene pečatom ponuđača.

Na dostavljenim fotografijama je prikazan samo vanjski izgled jedne gotove cisterne kao primjer gotovog proizvoda, bez bilo kakvih dokaza o ispunjenosti traženih osnovnih karakteristika vozila i ostalih uslova definisanih tenderskom dokumentacijom, a preciziranih u prilogu 11.2.

Kako je komisija utvrdila da ponuda ponuđača Fire trade d.o.o. Srebrenik nije prihvatljiva, ista je predložila ugovornom ogranu da u skladu sa članom 69. stav 2. tačka d. Zakona o javnim nabavkama („Službeni glasnik BiH“, broj 39/14 i 59/22) poništi postupak nabavke za ovaj LOT.

Članom 69. stav 2. tačka d. Zakona o javnim nabavkama (“Službeni glasnik BiH”, broj 39/14 i 59/22), propisano je da je ugovorni organ obavezan poništiti postupak javne nabavke u slučaju da nijedna od dostavljenih ponuda nije prihvatljiva.

U skladu sa naprijed navedenim, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi Kantonalnoj upravi civilne zaštite u pisanoj formi u najmanje 3 (tri) primjerka ili elektronskim putem.

Dostaviti:

1. Fire trade d.o.o. Srebrenik
2. Na web stranicu KUCZ i
3. a/a



Direktor

Mirza Džinović

Mirza Džinović